

Тошкент шаҳри

2022 йил “23” ноябрь

Ёшлар ишлари агентлиги (кейинги ўринларда “Буюртмачи” деб юритилади) номидан Низом асосида иш юритувчи, Агентлик директори А.Саъдуллаев бир томондан ва Лойиҳалар бошқаруви маркази нодавлат нотижорат ташкилоти (қуйида матнда “Ижрочи” деб юритилади) номидан Устав асосида иш юритувчи, директори У.Исмамов иккинчи томондан, ёшларга ўзининг турмушини яхшилаш, касб-хунар ва бизнес билан шуғулланиш орқали даромад топиш ҳамда уларга бундай фаолиятни йўлга қўйишнинг амалий жиҳатларини ўргатишга, устоз-шогирдчилик анъаналарини тарғиб этишга қаратилган “коучинг” видео материаллар ва дарсликлар, мотивацион роликлар тайёрлаш ишларини бажаришга доир мазкур шартномани тузиб имзоладилар.

1. Шартнома предмети

1.1. “Ижрочи” мазкур шартноманинг 1.2-иловаларига мувофиқ ёшларга ўзининг турмушини яхшилаш, касб-хунар ва бизнес билан шуғулланиш орқали даромад топиш ҳамда уларга бундай фаолиятни йўлга қўйишнинг амалий жиҳатларини ўргатишга, устоз-шогирдчилик анъаналарини тарғиб этишга қаратилган “коучинг” видео материаллар ва дарсликлар, мотивацион роликлар тайёрлаш мажбуриятини ўз зиммасига олади.

“Буюртмачи” эса ишларни қабул қилиб олиш ва бажарилган ишлар ҳамда кўрсатилган хизмат турлари учун ҳақ тўлаш мажбуриятини олади.

1.2. Шартноманинг умумий қиймати ҚҚСсиз 1 080 200 000 (бир миллиард саксон миллион икки юз минг) сўмни ташкил этади.

2. Тўловлар ва ҳисоб-китоблар

2.1. “Буюртмачи” “Ижрочи”га:

шартнома бўйича ишлар қийматининг 15 фоизи 162 030 000 (бир юз олтмиш икки миллион ўттиз минг) сўм миқдорига маблағни олдиндан ўтказиб беради;

шартноманинг иловаси бўйича ишлар бажарилгандан сўнг бажарилган ишлар қийматининг қолган 85 фоизи бажарилган ишларни қабул қилиш далолатномаси (ҳисобварақ фактура)га асосан тўланади.

2.2. Тўлов “Буюртмачи” томонидан Ўзбекистон Республикаси Ёшлар ишлари агентлигининг Ёшларга оид давлат сиёсатини қўллаб-қувватлаш жамғармаси маблағлари ҳисобидан амалга оширилади.

3. Ишларни бажариш муддати

3.1. “Ижрочи” ишларни дастлабки аванс тўлови амалга оширилган кундан бошлаб бажаришга киришади.

3.2. Мазкур шартнома бўйича хорижий давлатларда юқори натижаларга эришган юртдошларимизга бағишланган эксклюзив контентлар яратиш муддати, ишлар бошланган кундан бошлаб 2022 йил 31 декабргача амалга оширилади.

4. Шартноманинг амал қилиш муддати ва шартлари

4.1. Шартнома Ўзбекистон Республикаси Молия вазирлиги Ғазначилигидан рўйхатдан ўтказилган кундан бошлаб кучга киради.

4.2. Шартномани амал қилиш муддати 2022 йил 31 декабргача.

5. Томонларнинг ҳуқуқ ва мажбуриятлари

5.1. “Ижрочи”нинг ҳуқуқлари:

шартнома ҳақини тўлашни талаб қилиш;

шартнома шартларига тўлиқ риоя этишни талаб қилиш;

ишларни бажариш ёки хизматларни кўрсатишга оид таклифлар бериш ва “Буюртмачи”дан якуний қарорларни талаб қилиш;

хорижий давлатларда юқори натижаларга эришган юртдошларимизга бағишланган эксклюзив контентлар яратиш доирасида юзага келадиган мажбуриятларни ўз кучи ва/ёки ташқи манбадан ресурс (мутахассис, техника, оутсорсинг ва ҳ.к) жалб қилган ҳолда амалга ошириш.

5.2. “Ижрочи”нинг мажбуриятлари:

шартнома шартларини сўзсиз бажариш;

мазкур шартноманинг иловаларда белгиланган иш ҳажмларини ўз вақтида тўлиқ ва сифатли қилиб бажариш ҳамда бажарилган ишларни ҳисоб-фактурасида кўрсатиш;

мазкур шартноманинг иловасида белгиланган ишларни бажариш жадвалида назарда тутилган ҳажм ва муддатларда, ўз кучи ва/ёки ташқи манбадан ресурс (мутахассис, техника, оутсорсинг ва ҳ.к) жалб қилиб белгиланган стандартларга амал қилган ҳолда сифатли бажариш ҳамда ишни “Буюртмачи”га шартнома шартларига мувофиқ топшириш;

“Буюртмачи”нинг талабига мувофиқ бажарилган ишлар юзасидан ҳисоб-фактурасини “Буюртмачи”га тақдим қилиш.

мазкур шартномада назарда тутилган мажбуриятларни барчасини бажаришни ўз зиммасига олиш.

5.3. Ижрочи мазкур шартнома бўйича барча ишларни ўз кучи ва/ёки ташқи манбадан ресурс (мутахассис, техника, оутсорсинг ва ҳ.к) жалб қилган ҳолда бажарилиши юзасидан “Буюртмачи” олдида мулкӣ жавобгар ҳисобланади.

5.4. Бажарилган ва молиялаштириш учун қабул қилинган иш ҳажмларида арифметик хато ёки бошқа камчиликларга йўл қўйилганлиги аниқланганда, бажарилган иш ҳажмларига тегишли ўзгартиришлар (корректировка) киритилган ҳолда расмийлаштирилади.

5.5. “Буюртмачи”нинг ҳуқуқлари:

ишлар бажарилиши устидан мазкур шартномада қайд этилган мажбуриятлар ва бошқа функцияларга риоя этилишини назорат қилиш;

шартнома шартларига тўлиқ риоя этишни талаб қилиш;

мазкур шартноманинг иловада белгиланган иш ҳажмларини ўз вақтида тўлиқ ва сифатли қилиб бажаришни талаб қилиш.

5.6. “Буюртмачи”нинг мажбуриятлари:

шартномада белгиланган миқдорда ва муддатда шартноманинг иловасида назарда тутилган ишларни қабул қилиб олиш ва бажарганлик учун “Ижрочи”га ҳақ тўлаш;

бажарилган ишлар ва кўрсатилган хизматлардаги хато камчиликларни улар вужудга келган пайтдан ўн кун ичида “Ижрочи”га ёзма равишда маълум қилиш;

6. Ишларни топшириш ва қабул қилиш тартиби

6.1. Бажарилган ишларни топшириш ва қабул қилиш давомида “Буюртмачи”нинг асосли эътирози бўлса, камчиликларнинг рўйхати ва уларни бартараф этишнинг аниқ муддатини белгиловчи икки томонлама далолатнома тузилади.

6.2. Агар ишларни бажариш жараёнида, кейинчалик уни давом эттириш мақсадга мувофиқ эмаслиги маълум бўлиб қолса, томонлар 5 кун мобайнида бир-бирларини ишлар тўхтатилганлиги ҳақида хабардор қилишлари шарт ва 10 кун мобайнида ишларни давом эттириш учун мақсадга мувофиқ бўлган йўналишларини ойдинлаштирувчи масалаларни кўриб чиқишлари керак. Ишлар тўхтатилган ҳолларда томонлар учун Ўзбекистон Республикаси қонунчилигида кўзда тутилган мажбуриятлар юклатилади.

6.3. Ўзаро ҳисоб-китоблар қилишнинг муддати келганлиги, томонларнинг бири мазкур шартномадаги ишларни тўхтатиш ҳақидаги ёзма хабарнома берган санадан ҳисобланади.

6.4. Бажарилган ишлар (босқичлар)да асосли камчилик ва нуқсонлар аниқланганда “Ижрочи” уларни беғараз бартараф этади.

7. Бажарилган ишлар бўйича муаллифлик ҳуқуқлари

7.1. Мазкур шартнома бўйича иш жараёнида ҳосил бўлган бажарилган ишларнинг муаллифлик ҳуқуқи ва ҳуқуқий муҳофазаси билан боғлиқ барча масалалар Ўзбекистон Республикасининг амалдаги қонунчилиги билан тартибга солинади.

7.3. Мазкур шартноманинг иловасига мувофиқ бажарилган ишлар ва кўрсатилган хизматлар “Ижрочи” томонидан “Буюртмачи”га доимий фойдаланиш ва сотиш ҳуқуқи билан топширилади.

8. Тарафларнинг жавобгарлиги

8.1. “Буюртмачи” ишларни қабул қилиб олган кундан бошлаб 10 (ўн) календар куни мобайнида бажарилган ишлар ва кўрсатилган хизматлардаги семантик, орфографик ва грамматик хатоларни, носоз гиперҳаволалар, юкланмаётган расмлар ва бошқа хатоликлар мавжудлигини текшириб чиқиши ва камчилик ёки хатолик топилган тақдирда “Ижрочи”га хабар бериши лозим.

8.2. “Ижрочи” бажарилган ишлар ва кўрсатилган хизматлардаги аниқланган хатоликлар ва камчиликларни ўз ҳисобидан 10 (ўн) иш куни мобайнида бартараф этиши шарт.

8.3. Мазкур шартнома бўйича ўз мажбуриятларига риоя қилмаганлиги, “Буюртмачи” томонидан берилган маблағни ўз вақтида молиялаштирмаганлиги ва шартномада белгиланган бошқа мажбуриятларни бузганлиги учун “Буюртмачи” “Ижрочи”га кечиктирилган ҳар бир кун учун мажбуриятларнинг бажарилмаган қисмининг 0,4 фоизи миқдорда пеня тўлайди. Пеня тўланиши

“Буюртмачи”ни шартнома шартлари бузилиши туфайли етказилган зарарни қоплашдан озод қилмайди.

8.4. “Ижрочи” ишларни ўз вақтида топшириш бўйича ўз мажбуриятларини бузганлиги учун “Буюртмачи”га муддати ўтказиб юборилган ҳар бир кун учун мажбуриятларнинг бажарилмаган қисмининг 0,4 фоизи миқдорда, аммо кечиктирилган иш қийматининг 50 фоизидан ошмаган миқдорда пеня тўлайди.

8.5. “Буюртмачи” томонидан топилган нуқсонлар ва камчиликлар ўз вақтида бартараф этилмаганлиги учун “Ижрочи” “Буюртмачи”га муддати ўтказиб юборилган ҳар бир кун учун сифатсиз бажарилган ишлар қийматининг 0,4 фоизи миқдорда, аммо кечиктирилган иш қийматининг 50 фоизидан ошмаган миқдорда пеня тўлайди.

Пеня тўлаш “Ижрочи”ни ишларни бажаришнинг кечикиши туфайли етказилган зарарларни қоплашдан озод қилмайди.

8.6. Агар бажарилган ишлар ушбу шартноманинг иловасига мувофиқ бўлмаса, “Буюртмачи” “Ижрочи”дан сифати зарур даражада бўлмаган ишлар қийматининг 15 фоизи миқдорда жарима ундириш ҳуқуқига эга.

8.7. Муддат ўтказиб юборилганлиги ёки мажбуриятларнинг бошқача тарзда зарур даражада бажарилмаганлиги учун пеня тўлаш томонларни ушбу мажбуриятларни бажаришдан озод қилмайди.

8.8. Мазкур шартнома билан назарда тутилмаган тарафларнинг жавобгарлиги Ўзбекистон Республикаси қонун ҳужжатларига мувофиқ белгиланади.

9. Бартараф этиб бўлмайдиган куч ҳолати (форс-мажор)

9.1. Агар томонлар мажбуриятни қисман ёки тўла ижро этмай қолиши табиий ходисалар, ҳарбий ҳаракатлар ва бошқа бартараф этиб бўлмайдиган бошқа кучлар сабабли содир бўлган бўлса, ҳамда бу ҳолат мазкур шартнома ижросига бевосита таъсир кўрсатган бўлса, томонлар мазкур шартнома бўйича мажбуриятларининг қисман ёки тўла ижро этилмай қолгани учун жавобгарликдан озод бўладилар.

9.2. Мазкур шартнома бўйича мажбуриятларнинг ижро муддати бартараф этиб бўлмайдиган вазият келтириб чиқарган оқибат ҳукм сурган вақтга мос равишда орқага сурилади.

9.3. Агар бартараф этиб бўлмайдиган куч вазияти ёки унинг оқибатлари 3 ойдан ортиқ вақтга чўзиладиган бўлса, “Ижрочи” ва “Буюртмачи” ишларни давом эттириш ёки номаълум вақтга тўхтатиш учун чора-тадбирлар кўришни муҳокама қиладилар. Агар томонлар икки ой мобайнида бир тўхтамга кела олмасалар, томонларнинг ҳар қайсиси шартномани бекор қилинишини талаб қилишга ҳақлидир.

10. Низоларни ҳал этиш тартиби

10.1. Шартнома тузиш, ижро этиш, ўзгартириш ва бекор қилиш, шунингдек, келтирилган зарарни қоплаш чоғида томонлар ўртасида вужудга келадиган баҳслар ўзаро муҳокама қилиниб келишувга эришиш имконияти бўлмаган тақдирда, қонунчиликда бегиланган тартибда Тошкент шаҳар туманлараро иқтисодий суди томонидан кўриб чиқилади.

11. Коррупцияга қарши шартлар

11.1. Томонлар:

Томонлар, уларнинг аффилиган (ўзаро боғланган) шахслари ва ходимлари, ушбу Шартномада бўйича ўз мажбуриятларини бажаришлари давомида коррупцияга қарши курашиш соҳасидаги Ўзбекистон Республикасининг амалдаги қонун ҳужжатлари талабларининг бузилишига олиб келадиган ёки коррупция характерида эга бўлган, шу жумладан (аммо бу билан чекланмай) пора бериш ёки беришни ваъда қилиш, таъмагирлик, пора олишга бевосита ёки билвосита рози бўлиш хатти-ҳаракатсизликларни содир етмайдилар;

Томонлар, уларнинг аффилиган (ўзаро боғланган) шахслари ва ходимлари бошқа томоннинг ходимлари ёки ваколатли вакилларини қандайдир тарзда рағбатлантиришдан, шу жумладан пул суммалари, совғаларни тақдим этиш, уларнинг манзилига хизматларни беғараз кўрсатиш ёки бу ходим ваколатланган вакил томонидан уни рағбатлантирувчи томон фойдасига қандайдир хатти-ҳаракатларни/ҳаракатсизликлар бажарилишини таъминлашга қаратилган ишларни бажаришдан воз кечадилар деб маълум қиладилар.

11.2. Томонлар ушбу Шартноманинг 11.1-бандидаги талабларни бузиб содир етганлиги ёки содир етилиши мумкинлиги тўғрисидаги шубҳалар юзага келган ҳолда, тегишли томон бу ҳақида иккинчи томонни хабардор қилиш, коррупция билан курашиш соҳасидаги Ўзбекистон Республикаси қонун ҳужжатларининг нормалари бузилганлиги фактининг рад этиб бўлмайдиган далиллари мавжуд бўлган ҳолда эса – амалдаги қонун ҳужжатларида белгиланган тартибда ваколатланган органларни ҳам хабардор қилиш мажбуриятини ўз зиммасига олади.

12. Шартномани ўзгартириш ва унга қўшимчалар киритиш ҳамда бекор қилиш тартиби

12.1. Мазкур шартномага ҳар қандай ўзгартириш ва қўшимчалар улар ёзма равишда расмийлаштирилган ва томонларнинг ваколатли шахслари томонидан имзоланган тақдирда ҳақиқий ҳисобланади.

12.2. Шартномани муддатидан олдин бекор қилишга тарафларнинг келишувига кўра, етказилган зарарни қоплаш шarti билан йўл қўйилади.

12.3. “Ижрочи”нинг айби билан ишларнинг бориши тўхтаб қолса ва ишларнинг тугатилиши шартномада белгиланган муддатдан кечиктирилса, берилган топшириқда назарда тутилган ишлар сифати мавжуд талабларга жавоб бермаса, “Буюртмачи” шартномани бекор қилишга ҳақли.

12.4. “Ижрочи”га боғлиқ бўлмаган сабабларга кўра ишлар “Буюртмачи” томонидан бир ойдан ошиқ муддатга тўхтатилса, “Буюртмачи” ишларнинг ҳақини тўлаш имкониятига эга бўлмаса, “Ижрочи” шартномани бекор қилишга ҳақли.

12.5. Шартномани бекор қилиш ҳақида қарорга келган томон иккинчи томонга 10 кун олдин ёзма билдиришнома юборади, иккинчи томон 10 кунгача эътироз билдирмаса шартнома бекор қилинган ҳисобланади.

13. Шартноманинг алоҳида шартлари

13.1. Мазкур шартнома имзолангандан кейин, мазкур шартномага тегишли бўлган томонлар ўртасидаги барча олдинги ёзма ва оғзаки битимлар, ёзишмалар, томонларнинг ўзаро келишувлари ўз кучини йўқотади.

13.2. “Ижрочи” бажарилган ишлар ва кўрсатилган хизматларни “Буюртмачи”нинг ёзма рухсатисиз, бирон-бир учинчи томонга бериш ҳуқуқига эга бўлмайди.

13.3. Мазкур шартномага барча ўзгартириш ва қўшимчалар, агар улар ёзма шаклда расмийлаштирилган ва томонлар уларни имзолашган бўлса, ҳақиқий ҳисобланади.

13.4. “Буюртмачи” билан “Ижрочи” ўртасидаги мазкур шартномадан келиб чикмайдиган янги мажбуриялар пайдо бўлишига олиб келадиган ҳар қандай аҳдлашувни томонлар мазкур шартномага қўшимчалар ёки ўзгартиришлар киритиш орқали ёзма равишда тасдиқлашлари керак.

13.5. Мазкур шартномада назарда тутилмаган бошқа барча ҳоллар учун амалдаги қонун ҳужжатлари нормалари қўлланилади.

13.6. Мазкур шартнома бир хил юридик кучга эга бўлган 2 нусхада тузилди.

XVII. Томонларнинг банк реквизитлари ва юридик манзиллари:

“БУЮРТМАЧИ”

Ўзбекистон Республикаси Ёшлар ишлари
агентлиги марказий аппарати
100011, Тошкент шаҳар, Навоий кўчаси, 11Б
«Марказий банк» Тошкент шаҳар
Бош бошқармаси ИФУТ 84111,
МФО 00014, СТИР 207 323 290
ХС 23 402 000 300 100 001 010
Молия вазирлиги ғазначилиги
амалиёт бошқармаси
Ғазна ХС 23 402 000 300 100 001 010
“Марказий банк” Тошкент ш. Бошқармаси
МФО 00014
СТИР 201122919

Директор А.З.Саъдуллаев



“ИЖРОЧИ”

Лойиҳалар бошқаруви маркази нодавлат
нотижорат ташкилоти
100011, Тошкент шаҳри, А.Навоий кўчаси
11А
Ҳ.Р: 20212000104636785004
МФО: 00407
ИНН: 206926783

Директор У.А. Исмаилов



Х.И.
(Хуқуқий Ҳалоса Б-и)

Бажариладиган ишларга қўйиладиган техник талаблар

1. **Тайёрланадиган видео материаллар мавзуси:** Ёшларга ўзининг турмушини яхшилаш, касб-хунар ва бизнес билан шуғулланиш орқали даромад топиш ҳамда уларга бундай фаолиятни йўлга қўйишнинг амалий жиҳатларини ўргатишга, устоз-шогирдчилик анъаналарини тарғиб этишга қаратилган “коучинг” видео материаллар ва дарсликлар, мотивацион роликлар тайёрлаш учун.

2. Видео материаллар ва дарсликлар, мотивацион роликлардаги тасвирга сифат бўйича талаблар: **4К (3840x2160) 16:9 форматда 20 битрате ва ундан юқори.**

3. Видео материаллар ва дарсликлар, мотивацион роликлардаги овоз бўйича талаблар: **ААС форматдаги 320 кб/с - стерео сифатда ва ундан юқори.**

4. Жами видеодарсликлар сони: **110 та**

5. Видео материаллар ва дарсликлар, мотивацион роликлар давомийлиги **90 сониядан 15 дақиқагача**

6. Видео материаллар ва дарсликлар, мотивацион роликларни ишчи тили **ўзбек тили** хисобланади, ижрочи томонидан инглиз ва рус тилларида субтитр қўшилиши мумкин.

7. Ўқув видеодарсликларини қуйидаги техник ускуналарда тасвирга олиниши талаб этилади:
Объектив - 16мм, 24мм, 35мм, 50мм, 135мм

Реле - Тележка

Кушимча - микрофоинетличкалари, дрон ва хоказо.

Монтаж: профессионал, рангли коррекция, ВФХ графика.

Муаллифлик ҳуқуқлари бўйича талаблар:

8. Видео маҳсулотни яратишнинг барча босқичларида ижрочи амалдаги қонунчиликка амал қилган ҳолда видео маҳсулотдаги тасвирлар, ёзув қуринишидаги матнлар, товушлар, мусикалар, овозлардан фойдаланиш талаб этилади. Сиз тақдим этган видео маҳсулотда муаллифлик ҳуқуқлари бузилган ҳолатда, қайта таҳрир қилиш талаб этилади. Бунинг иложи бўлмаган тақдирда видео маҳсулот Буюргмачи томонидан қабул қилинмайди. Видео маҳсулотни ишлаб чиқувчилар видеонинг бошланғич қисмида буюртмачининг логосини жойлаштириши талаб этилади. Шу билан биргаликда ишлаб чиқилган видео маҳсулот ишлаб чиқувчининг муаллифлик ижодий мулк хисобланиб, тасдиқланган тақдирда эркин тарқатиш ва фойдаланиш имкониятига эга.

9. Ижрочи видео материаллар на дарсликлар, мотивацион роликларнинг бошланғич қисмида буюртмачининг логосини жойлаштириши талаб этилади. Хар бир йўналиш бўйича ўқув дастурлари матн шаклида электрон платформага жойлаштирилади. Ўқув дастурларини тақдим этиши шарт. Хар бир видео материаллар ва дарсликлар, мотивацион роликлар йўналишга мос махсус биноларда суратга олиниши керак.

10. Ижрочи томонидан тайёрланган видеодарсликлар электрон платформада (интернет тармоғида яратилган сайтга) жойлаштирилади. Ушбу дарсликларни барча учун бепул кўриш имконияти яратилади.

“БУЮРТМАЧИ”

Ўзбекистон Республикаси Ёшлар ишлари
агентлиги марказий аппарати
100011, Тошкент шаҳар, Навоий кўчаси, 11Б
«Марказий банк» Тошкент шаҳар
Бош бошқармаси ИФУТ 84111,
МФО 00014, СТИР 207 323 290
ХС 23 402 000 300 100 001 010
Молия вазирлиги газначилиги
амалиёт бошқармаси
Газна ХС 23 402 000 300 100 001 010
“Марказий банк” Тошкент ш. Бошқармаси
МФО 00014
СТИР 201122919

Директор А.З.Саъдуллаев

“ИЖРОЧИ”

Лойиҳалар бошқаруви маркази нодавлат
нотижорат ташкилоти
100011, Тошкент шаҳри, А.Навоий кўчаси
11А
Ҳ.Р: 20212000104636785004
МФО: 00407
ИНН: 206926783

Директор У.А. Исमतов

**2022 йил 23 ноябрдаги шартнома лойиҳасининг амалдаги
қонунчилик ҳужжатларига мувофиқлиги юзасидан
ҲУҚУҚИЙ ХУЛОСА**

Шартнома тури: ҳақ эвазига хизмат кўрсатиш.

Шартнома тарафлари: Ёшлар ишлари агентлиги ва “Лойиҳалар бошқаруви маркази” МЧЖ (Ўзбекистон Республикаси Адлия вазирлигида 2020 йил 9 июнда давлат рўйхатидан ўтказилганлиги тўғрисида 660р-сон гувоҳнома).

Шартномани тузишга асос: Ёшлар ишлари агентлиги директорининг “Давлат ижтимоий буюртмасини ажратиш тўғрисида”ги 2022 йил 6 июндаги 01-10/169-сон буйруғи, Ёшлар ишлари агентлиги Харид комиссиясининг энг яхши таклифларни танлаш бўйича 173066-сон лот бўйича баёни.

Шартноманинг амалдаги қонунчилик ҳужжатларига мувофиқлиги:

1. Шартнома Ўзбекистон Республикаси Фуқаролик кодексининг “Ҳақ эвазига хизмат кўрсатиш” деб номланган 38-боби қоидалари билан тартибга солинади.

2. Шартномада унинг предмети, тарафларнинг мажбуриятлари, хизматларни кўрсатиш муддатлари ва тартиби, хизматлар қиймати ва ҳисоб-китобларни амалга ошириш тартиби, коррупцияга қарши қоидалар (Ўзбекистон Республикаси Президентининг 2021 йил 14 сентябрдаги ПФ-6313-сон Фармони 3-бандига мувофиқ), тарафларнинг жавобгарлиги, низоларни ҳал қилиш тартиби, форс-мажор ҳолатлари, шартноманинг амал қилиш муддати ва бекор қилиш тартиби, тарафларнинг реквизиетлари белгиланган.

Ёшлар ишлари агентлиги Юридик бюроси томонидан ҳуқуқий экспертизадан ўтказиш натижаларига кўра

ХУЛОСА:

2022 йил 23 ноябрдаги шартнома лойиҳаси амалдаги қонунчилик ҳужжатларига мувофиқ таҳрирда тузилган.

Ушбу хулоса шартноманинг суммасига, Ижрочи томонидан кўрсатиладиган хизматлар ва товарларнинг қиймати бозор нархларига мувофиқлиги ёки мувофиқ эмаслиги масаласига татбиқ этилмайди ва Юридик хизмат ушбу масала юзасидан жавобгарликни ўз зиммасига олмайди.

Юридик бюро бошлиғи



А.Халиков

2022 йил 23 ноябрь